







環翠堂精訂

高士里藏板



大聲納錦傳奇

坐隱先生精訂納錦郎傳奇

新都環翠堂藏板



第一齣

下扮鴛兒上開常嫌秋月圓仍缺。每恨春花發又殘。忙裏不知頭盡白。怕將明鏡泣孤鸞。老身姓王。是這金陵大教寺。可知名的妓者。不幸夫主早亡。止生得四箇孩兒。長曰王大。次曰王寬。兩箇女兒。長曰惜花。次曰喜月。不獨歌舞。其針指詩詞。無不曉者。亦且家緣過活。皆靠這兩箇孩兒。老身想來。衰鬢流年。真易度也。好恻感人也呵。



賞花時則不白髮衰容歎暮年。爭奈這楚館秦樓是宿緣。生長下二嬋娟。想俺那尋常過遣。止不過歌扇底舞樽前。(下)

(外扮孫以信同淨上云了並下科)(正旦引貼旦上)妾身王惜花的便是。這箇妹子兒喚做喜月。雖在鳴珂巷中。送舊迎新。常有不愜意處。今日家中無客。况值春闈天道。妹子呵。我與你後園中散心。一回去咱。(貼云了同行科)

點絳唇(正旦)長在平康。頗能彈唱。居深巷。不覺爲暗裏時光。却又早春花放。

(正旦云)是好景也呵。

混江龍(你)覷波柳條搖蕩。絲絲翠影蘸池塘。正雨香雲淡。水暖莎長。燕子泥融。芳徑曉。海棠風細。繡簾涼。聽雙歌嬌鳥。見並宿鴛鴦。牽情惹恨。蝶粉蜂黃。妹子你覷波。十分春粧點在眼根前。端的是一天愁都撮在眉尖上。問甚麼踏殘芳草。我只待立盡斜陽。

油葫蘆(我和你)閑看遊絲度粉墻。(貼云)姐姐回去罷。

(旦云)惜此春光九十。豈能留得再遊樂一回。且盤桓休暫忙。你聽那隔林風送煮茶香。端的是惜花對景偏惆悵。從今後調朱弄粉無情況。賞心亭轉過畫欄。



宜春軒靠着綺窗。怎能夠玉壺何處來佳釀。只喫到  
明月土迴廊。

天下樂。不是愁人不斷腸。你須索參詳。越感傷。我  
想這桃源中未得逢阮郎。貼云天色晚也。咱們且回  
去。明日再來有何遲。旦你道是且暫回。對鶯花休太  
狂。剗的說到明朝還共賞。

下上云家中有箇客人初來入馬孩兒你快來咱。  
那吒令。旦猛見了俺娘走的來太荒。我心中忖量是  
誰在那廂。聽說罷這場惹心勞意攘。好教我展轉猜  
他模樣。不辨青黃。

下又云了

鵲踏枝。旦你教我整殘粧。出蘭房。又不曾書倩鱗鴻。  
怎和他帶結鴛鴦。你把他百千般人前賣獎。那里也  
俊龐兒賽過潘郎。

旦入見外介云了淨科了旦遞酒科

寄生草。我這里舒纖手。捧玉觴。淨外索旦唱。旦你道  
是東風便索低低唱。好着我春山未得輕輕放。我把  
這銀箏故意頻頻傷。淨云夜已深矣。請哥哥同大姐  
房中歇息去罷。我們回去也。旦你道我堂中收拾綺  
羅筵。燈前扶入流蘇帳。



外醉科淨扶外同下科且云想俺母親愛這一文錢教俺接這箇村頑兀的不怨殺人也。

後庭花你道他俊龐兒所事長到如今細看來都是謊且休題諳曉宮商調刻的呵不分南北腔我這里自思量想俺那處婆模樣見錢呵沒主張心腸兒忒版張把恩情攔轆上慣將他時價長。

青歌兒呀那里得春生春生花巷也不索麝薰麝薰鴛帳展轉難捱更漏長不覺的月轉西廂花影橫窗我這里羞背銀缸暗解羅裳巫娥女不遇楚襄王好教我難親傍。

想俺自幼兒陪過的些孤老那里有一箇可意的

賺尾衙是些賽石崇昔年豪那里得類宋玉當時像怎能勾可意人兒見訪待把那浪蝶狂蜂阻過往結果了何粉韓香但得箇少年郎情色相當不問生平賤與良我和他佳盟肯忘這一段難言情況只待倩春風吹恨過東墻下

## 第二齣

副末上開自家姓賈名中是這教坊司一箇樂人自幼不曾習其吹彈專以女工爲活且喜隣舍王媽媽的兩箇女兒請我教他納錦今已數月我想



兩箇大姐。與我深有顧盼之心。爭奈他有兩箇兄弟。關防的緊。不能成合。昨晚相約下。今夜與我說幾句衷情的話。須索走一遭去。只因納錦終朝意。惹起偷香舊日心。〔下〕〔正旦上〕妾身乃惜花的便是。且喜向日與我吃酒的那箇村顏。支鹽去了。近日有我母親尋得一人。教俺姊妹們納錦。俺自見了那人。便覺有動情之念。爭奈母親與兄弟嚴謹。未能成得。但眉眼傳情而已。今日幸得母親與兄弟俱不在家。昨晚已令人去約。想必來也。這早晚尚早。不免叫妹子出來。與他水亭上散心。走一回去。〔旦叫科〕〔貼旦上云〕行了科。〔旦云〕妹子。清和天氣。好是困人也呵。

〔鬪鶻鶻〕你覷波楊柳陰濃。芭蕉翠展。正冰簟輕鋪。湘簾半捲。却正是團扇新裁。單衣乍剪。行過這畫閣前。曲檻邊。見了些槐影深沉。聽了些碁聲近遠。  
〔紫花兒序〕暫時間打疊起。遇行雲白雪。敲夜月紅牙。訴春恨冰絃。無端苦被心事縈牽。熬煎爭奈劉郎隔洞天。柔腸千遍。恰便似雲鎖巫山路。阻桃源。

〔貼旦〕我見姐姐這幾日神思不快。似有事的一般。却是怎的。〔旦云〕妹子。你那里知道。



小桃紅。你道我粉容憔悴。怯花鈿。玉腕鬆金釧。兩點春山鎖幽處。翠袖泣啼鴛。且昏昏鎮日慵針線。妹子。這等閑話。說他怎的。你看那風吟着暮蟬。香消了黃篆。正桐花垂在翠簾前。

（貼云）姐姐。你休者。我已窺破你二三分了。你實說。我又不是別人。（旦云）我與你說。你是必休着母親知道。

金蕉葉。搭撫定繡綳兒低低的情言。你是必休泄漏半點兒春情與老萱。（貼云）却是誰。（旦云）是那教納錦東隣的業冤。似這等麗兒較鮮。

（貼云）姐姐不說起。妹子也不敢說。纔聞姐姐言語。眷戀那人。正與我心下一般。姐姐想俺每空房望想。知他是成得也。成不得也。（旦云）我夜來已約下他了。（貼云）姐姐却是多早晚來里。（旦云）天色將晚。這早晚敢待來也。我們可回房中去等他。（旦與貼回科）（末上科）（瞧科）

調笑令。（旦唱）猛聽的鵲喧。近庭軒。呀。踈竹瀟瀟覆短垣。莫不是賈充宅裏來韓掾。犬聲兒吠近花前。想今生此情非偶然。料應是五百載姻緣。

（旦云）兀的不來了也。



禿厮兒他向綠窗外把身子兒半偃畫闌東將繡闥  
兒低掀把春衫半幅含笑褰怕人黑暗隱在花邊俄  
延。

聖藥王他意已堅我恨已傳嬌鶯雛燕總堪憐我眼  
已穿他步已先抵多少晚涼偷上木蘭船他只待雙  
採了並頭蓮。

旦與末攜手入房科云了盡繾綣之意

麻郎兒旦露滴處喜葵心乍展風來時正垂柳頻顛  
含羞把燈花自剪情盡也柳腰猶顛么偃着這玉肩  
恰眠俏言却又早龍漏聲涓却又早涼蟾影偏却又

早綠槐陰轉。

旦云今夕之期雖海枯石爛不可易也與君再欲  
盡歡爭奈隣雞三唱恐俺母親兄弟知覺怎生是  
了。

絡絲娘怪眼底良宵較淺怕娘行春夢將旋只怕  
他潤破了窗紗悄窺見教我呵怎生分辨

末拜辭科二旦贈羅帕與末科

綿搭絮旦鶯鶯情順盼盼心虔香羅親贈紅袖輕牽  
眼底淒涼有萬千風月所番成離恨天準備着彩筆  
花箋俺兩箇把斷腸詞細敷演。



拙魯速怪垂柳碍香肩。怕蒼苔印金蓮。那月兒正圓。我髻兒又半偏。粉墻外撲喇喇宿鳥兒正驚喧。痛煞煞折雙鴛。香消了金鈿。恨題在羅扇。從今後把幽情把幽情寫斷絃。

(旦云)今夕一別。會在何日。(旦下淚科)

尾 匆匆人去難留戀。兩下里相思未免。從今後翠幃裏影兒孤。陽臺上夢兒遠。(下)

### 第三齣

(旦與貼同上)(旦云)自從與那賈郎相別之後。不覺數月。我心下常常念他。不得一會。(貼云)姐姐。且喜

今日母親與兄弟都吃酒去了。何不着人暗約他來。却不好。(旦云)我已約去了。今夜他敢來也。我與你只在這繡窓下候他。妹子。你看這清秋天氣。好是淒涼人也呵。

粉蝶兒 愁思無聊。小房櫳暮秋天道。幾般兒助俺寂寥。漏聲沉。燈影亂。井梧零落。開虛簷。踈竹瀟瀟。正應着斷腸人別離懷抱。

醉春風 風急繡簾低。天空霜月小。被兒單枕兒冷。夢兒孤。常好是盼不到曉曉。這此時裙褪了。纖腰釧鬆了。玉腕香消了。花貌。



（貼云）姐姐。你休說里。我爲他也消瘦好些了。（旦云）妹子。想他所事標致。我心中怎生放的下他也。

普天樂。想着他性情真。容儀少。銜一團洒落。無半點輕薄。暗藏着子建才。出落着張郎俏。一自花前初期約。因此上害相思不問昏朝。香盡呵寒生了鳳衾。絃斷呵箏閑了鴈柱。人去呵指冷了鸞簫。

（旦云）妹子呵。這早晚是他來的時候也。

石榴花。你看那碧紗寒透篆烟消。涼露滴芭蕉。他那里惜花心恨煞。粉墻高。正香堦靜悄。桂影風搖。幾回疑是他來到。定睛兒月底偷瞧。（末敲窓科）（貼云）姐姐。

他既來。怎的不作聲。（旦云）妹子。你那里得知道他怕娘行不敢題名。叫把窗櫺輕用指尖兒敲。

（末悄入房科）（旦云）從與你別後。我姊妹們無一日心中不掛着你。你好負心也呵。（末跪謝云了）

鬪鸛鶒。（旦唱）怕只怕意斷恩絕。恨只恨離多會少。怨只怨鳳隻鸞孤。怪只怪魚沉鴈杳。恰便似巫峽雲深。路轉迢端。的是望眼勞。爲你呵花陰下將靈鵲頻占。繡幃裡把金錢暗禱。

（貼云）姐姐。你在房中相陪賈郎。我去伏事母親睡。了便來。（貼下）（淨扮王大王寬云了）



上小樓旦唱方纔把燈兒滅了。淨敲門科忽聽得槌門高叫。諛的俺膽顫心驚。手忙脚亂。鬼散魂消。我待把家業拋。即便逃難出圈套。則不如等他來盡情哀告。

旦開門科淨揪末打科

么旦唱誰想他忒狠毒。忒做作。則見他脚類星飛。拳如雨點。心似湯澆。我這里行跪着。行訴着。他越添焦燥。恰便似嚇鬼臺降來神道。

淨打旦科

脫布衫旦唱打的我髻兒歪。隊了金翹。淚兒零濕透。

了鮫綃。想俺來也只是閑花野草。怕是麼燕期鶯約。

淨又打末科

小梁州旦唱他抵死將人亂棍敲。未肯輕饒。他千般百樣醜劬勞。常好是真龕燥。末掙脫寫下蒲靴一隻走了淨拾得藏科。旦唱呀。却被他掙斷紫絲絛。

上貼上

么旦唱霎時把俺娘驚覺。走將來一覓呼嚎。他將那拐棒拖。把銀燈照。見俺枕衾顛倒。他親自取供招。

淨與卜拿旦問科旦云母親。並無這等事。賈中來我房裏看生活來。王寬與他舊日有些仇氣。故意



將此賴我。淨將蒲靴拿出打梭科。旦不語科。下云。你這賤人還嘴強哩。快實說便罷。不說呵。只打灰箇小賤人。旦云。母親休打。等恁孩兒說。

快活三也須索細量度。且莫要苦煎熬。若還一一問根苗。返惹得他人笑。

下云。你這事不一遭兒了。快實說了罷。

朝天子。旦唱。雖是這幾宵。止來了兩遭。又不敢時時約。下云。他來時。是麼時分。旦。他來時半鈎斜月掛林梢。下云。你怎生知道他來。旦。他走向花前哨。下云。他去呵。是麼時分。旦。他去呵。更鼓方停。隣雞剛叫。他戰

兢兢生怕曉。把門兒頂牢。下云。我却在這裡。旦。母親行。睡着。下云。你敢是說謊。旦。問妹妹他知道。

下同。淨鬧罷散了科。貼云。姐姐。只吃你每日做將出來。旦云。妹子。做出來打甚麼緊。爭奈那人再不。能勾見他。這相思定然害也。

耍孩兒。巫山十二侵天表。從今後歡娛較少。攔截了牛渚星橋。這淒涼起自今朝。他那里青衫夜月啼紅淚。我這里錦瑟春風怨碧桃。幽况憑誰託。姻緣簿兩廂擲下。相思擔三處挑着。

四煞。被兒單怕護持。影兒孤怎打熬。巖巖瘦骨實



難保。常則是香銷斗帳和衣臥。抵多少花壓重門待  
月敲。這苦和誰道。怕的是風驚梧葉。燈燼蘭膏。

三煞 江寒魚信疎。雲深鴈影遙。天涯咫尺無消耗。  
怎能勾暗傳紅葉溝中句。同奏青鸞背上簫。愁悶何  
時了。纔離心坎。又上眉稍。

二煞 俺娘呵。反心腸有十分。好人情無半毫。鴛鴦眼  
底生分却。既知道翠幃苟合將三載。刻的把拐棒摩  
挲。問幾遭。性子兒忒麤躁。將楚陽臺截斷。把祆廟火  
重燒。

一煞 從今後湘裙病後寬。朱顏暗裏消。金針拈得仍  
顛倒。準備着冰絃對景彈心事。彩筆臨風點卦爻。我  
自幼多奇抱。愛的是聰俊。嫌的是村濁。

(貼云) 姐姐。這等話說也不濟事了。枉惹的他人耻  
笑。不如俺姊妹每別尋箇姻緣罷。

尾 (旦) 既耽風月心。何妨鶯燕嘲。只愿那有情人早辦  
下鴉青鈔。管和他團圓到偕老。(並下)

### 第四齣

(卜同淨上云) 俺在這鳴珂巷中。數十餘年。代代兒  
並不會有這等勾當。着這兩個賤人。兀的不辱莫  
殺我也。如今你去打聽院中。但有出得起銀子的。



賣與他去罷。(淨科云了並下)(淨倒扮吳通上云科了)連忙收拾酒禮娶親走一遭去也。(下)(外上云)想這王媽媽十分無禮將我姻緣一旦阻絕要把他女兒惜花嫁與吳通我想來怎生容得他。不免去色長處告他去。(下)(旦上云)自與賈郎一別。撚指三月。這相思何日是了也呵。

**新水令** 東風一夜報春回。又添上別離滋味。青窺墻外柳。紅綻嶺頭梅。獨守香閨。雲鬟亂鳳釵墜。

不覺光陰。又是早春時候。追想舊日情況。大不相同。何日遂得心也。

**水仙子** 萋萋新綠掩空扉。側側輕寒上玉肌。盈盈香帕擎紅淚。許多時無信息。這幽懷更許誰知。拜新月芙蓉屏外。占靈鵲茶蘼架底。候歸鴻楊柳亭西。

我且將這門兒掩上。睡一覺咱。(貼上敲門科)

**清江引** (旦唱)好夢是誰重喚起。默默心如醉。弓鞋踏地輕。玉珮敲風碎。莫不是有人來送喜。

(旦見貼科云)我道是誰。原來是妹妹。莫非賈郎處有些好音麼。(貼云)姐姐賈郎一事不必提了。

**喬牌兒** (旦唱)你道這姻緣不索提。這煩惱更加倍。諕的俺百般的吐不出。喉嚨氣。敢是母親行又聽閑是



非。

（旦問云）了（貼云）不敢與姐姐說。如今母親接了吳通財禮。要將姐姐嫁與他去。我得來報你知道。（旦云）兀的不怨殺我也。

甜水令 柳嫩風顛。花開春去。月圓雲閉。天意苦難齊。舊恨綿綿。新愁疊疊。分付雙眉。眼見的命喪朝夕。


（卜上云）吳家約在今晚來娶。你這賤人不收拾等甚麼。

折桂令（旦）說的咱死沒騰半晌。呆癡四體。頑麻語話難回。這婆婆趕退了張郎。支撐開雙漸。苦尋上馮魁。

愛的是擡不動。扛不起。茶紅酒禮。嫌的是畫不成。描不就。俊俏容儀。怎禁他百樣凌逼。千種禁持。把些兒喜喜歡歡。番做了哭哭啼啼。

（貼淨扮色長領外淨一行人上）自家姓許。渾名許白腸。是這版色色長。在這色中二十餘年。並不會斷一樁事。今日早間。着這兩箇冤家。拿這兩紙情詞來累我。不免同去王家門上斷案。走一遭也。（行科）不覺來到也。（見卜科）云了坐科。拿過那妮子來。（二旦跪科）外淨亦跪科。貼淨云。將你從前的事。一說來。我親自剖斷。





眞實(貼淨云)  
頭兒訴起



環翠平堂精訂陳

高士里藏板



大聲太平樂事

坐隱先生精訂太平樂事

新都環翠堂藏板

末上開

滿庭芳 燈火烘堂。笙歌擁市。上林鶯轉魚遊。一輪  
飛鏡。艷艷出雲頭。萬點春星錯落。射金鰲鱗甲光浮。  
分明見。珠宮貝闕。遙映望仙樓。喜逢全盛日。  
君王堯舜。宰輔伊周。聽康衢擊壤。鼓腹民謳。多少朱  
闌翠幕。一齊來捲上簾鈎。良宵永。風香火煖。春色滿  
皇州。

三五良宵。上元樂事。半空中皓月初升。六街裡春



燈相射。那月似馮夷推上爛銀盤。這燈似天女織成鋪地錦。燈映月增一倍光輝。月映燈有十分燦爛。望不盡鐵鎖星橋。看不了銀花火樹。繡毬燈畫屏。燈似霞彩攢成。雪花燈梅花燈如春冰剪碎。芙蓉城獅象吐青烟。金蓮沼魚龍噴紫霧。萬千家燈火樓臺。一百里錦雲胡洞。這壁廂廝琅琅玉響嘶來。那壁廂矻矻刺刺香車碾過。則覺得熱烘烘煖氣。侵人輕拂拂暗塵隨馬。凭着肩携着手。翠袖燈前。倚着欄揭着簾。紅粧樓上。滿城中簫鼓喧闐。徹夜裏笙歌不斷。一任玉漏頻移。且喜的金吾不禁。

錦繡場齊唱動豐稔歌謳。風月牌大書着太平時序。見了些醉醺醺笑呵呵行樂遊人。又閃上錦叢叢花簇簇爭標社火。那飄霞颺彩五方旗。巨口狼牙開路鬼。有那白襴衫皂角巾騎着驢。裊着鞭傍着花依着柳。是那杜甫遊春。那宮錦袍烏紗帽放着船舉着酒。作着歌拍着手。是那李白問月。領着神驅着鬼。跨着驢持着劍。是箇斬怪的鍾馗。駕着雲騰着霧。糊着鎗。搦着杵。是那降魔的大聖。鎗閃閃劒瑤瑤。甲鱗鱗。虎牢關戰敗了呂溫侯。陣堂堂。旗正正。鼓鼙鼙。九里山追乏了楚項羽。又有那質



彬彬文儻。色能溫貌。能恭的孔門七十二賢。氣  
昂昂雄糾糾。戰必勝。攻必取的雲臺二十八將。有  
春申君。信陵君。平原君。孟嘗君。是那戰國四豪。有  
晉文公。齊桓公。管夷吾。晏平仲。是那春秋二伯。試  
看那唐三藏。白馬馱經釋迦佛。金刀落髮。那呂洞  
賓。攙定漢鍾離。藍采和。携着張果老。真箇是形骸  
放浪。喬三教。衫袖瑯瑯。醉入仙。你看那琥珀杯中  
傾綠酒。沉香火底啓華筵。真箇是燈明月皎。元宵  
夜。雨順風調。大有年。燈光下遠遠的望着。見一箇  
賣花的來也。

### 外扮賣花人上

我賣花。我賣花。不賣真花。賣假花。花頭裁錦綺。花  
葉剪輕紗。不賣與貧寒小戶。只賣與富貴名家。末  
云。怎的不賣與貧寒小戶。外云。那貧寒小戶。髮龐  
難插帶。手全不堪拏。那富貴名家。艷枝侵寶髻。香  
影入菱花。非是我好矜誇。若是那富的來買。我滿  
枝白送與。那貧的來買。我一貫不饒他。末云。你那  
賣花的過來。你這花。可是你自己賣起。是祖上傳  
流。外云。我是三輩兒流傳。末云。我說與你。你賣名  
花。是祖傳。我買花買朵也多年。總然巧口能誇獎。



見了花兒與見錢。採花來我看。

紅繡鞋外賣一朶金落索斜挑金鳳。又一朶開鵝兒  
開動春風。試看錦蝴蝶雙戲海棠叢。有那托模兒銀  
芍藥。少口氣的玉芙蓉。我將百般花說一箇總。

外云我這花不用春工不費裁。美人頭上四時開。  
末云要將花朵丁寧問。那後面隊隊行行似擁來。

外下

扮賣脂粉人上

我賣粉也賣胭脂也賣粉。我這脂點酥紅入唇。這  
粉和露香生暈。休笑我小營生。休笑我無多本。賣

的多也無大利。賣的少也不大損。者麼你寶貝珍  
珠。不似我這樁安穩。引的些章臺妓倚着樓款款  
相呼。香閨女揭着簾低低借問。我增添些貌美容  
嬌。遮了些皮籠面蠹。昨朝入大院深宅。我傾囊賣  
多蒙見允。我為甚歡喜來家。常言道千零不如一  
頓。末云你那賣脂粉的過來。我問你幾句。脂點櫻  
唇粉暈腮粉香脂膩果奇哉。粉奩裏面多般物。一  
一從頭細說來。脂粉云你聽着。

賽鴻秋 描金盒子良工造。青銅鏡子佳人照。骨牌  
般子兒童好。頭繩結子丫鬟要。釵簪共耳環。梳篦和



眉掠更有那玲瓏香串垂纓絡。

脫布衫帶過小梁州。刷牙兒裁得堅牢。粉撲兒襯的虛鼻。面花兒攢的小巧。戒指兒做的輕妙。鍊鐵鈎環線板縹。五色絨納錦荷包。見方手帕織紋綃。官樣的雙簷帽。靴子嵌藍條。幾圓兒噴鼻香肥皂。粘撥撥道地阿膠。花籃兒軟翠鋪。犀簫兒香油淖。任從索落。開口便成交。

末云脂染腥紅粉又香。犀梳牙篦總尋常。生來說劔談兵口。不是塗朱傅粉郎。脂粉下

### 扮賣柴人上

我賣柴。南山深處砍將來。只摧樗朽木。不伐棟梁材。我犯了些傷人虎豹。衝了些當路狼豺。我比那王樵子不知那棋中着數。我比那朱買臣欠了些肚裏文才。我如今一肩擔箇定。不倩別人擡。這些時無人岩壑問。因此桃擔上長街。正是那不由人計較。都是命安排。柴云遠遠的望着個賣炭的來了。

### 扮賣炭人上

我賣炭。分明是箇燒窰漢。日日朝朝賣不絕。年年歲歲燒不辦。把東嶺青松錯犯着。南山白石皆煨



爛。雖然是灰燼之餘。也有數言稱贊。這枯朽質待時來到處相親。那陶冶器招損易落。一時好看。這柔和的煅煉的一霎春生。剛硬的爆炸的五零星散。近時來人事全薄。到那六月時將人輕慢。這些物也有箇炎涼。正是只落的一聲長歎。(見介)(柴云)住住住。你那賣炭的。有甚麼好處。(炭云)我問你這賣柴的。可有甚麼好處。

(水仙子)(柴唱)這柴沉沉担子。壓肩歪。(炭云)你壓的肩歪。有甚麼好處。(柴唱)交了錢兒就撇開。不似你沿門碎數零稱賣。四時閑。只有冬月買。你在火坑中鑽出頭。

來七件兒家常事。主人翁先布擺。起初兒是細米乾柴。

(前腔)(炭唱)你這賣柴的人。喚你做樵夫。每日裏擔着箇長柄斧。走了些險峻羊腸路。你打柴人真箇苦。我到富豪家。改變了規模。碎末兒把香湯來和。捏搦成獅共虎。受用些煖閣紅爐。

(末云)你兩箇休要爭論。我與你兩批判。你見火改名為炭。不燒喚你為柴。到此假名托姓。本是同體同胎。你費下消磨枝葉。你爐中損壞形骸。都是一般朽木。不須將時價高擡。(柴炭下)



扮賣酒賣茶人上

〔酒〕我賣酒。〔茶〕我賣茶。〔酒云〕我這酒。臘前和細麵。茶云我這茶。雨後採新芽。〔酒云〕我這酒。浮歛艷金甌。澹色。〔茶云〕我這茶。點輕圓碧碗。生花。〔酒云〕我這酒。授良方。中山自造。〔茶云〕我這茶。得異種。陽羨爲佳。〔酒云〕人都道。放懷詩酒。〔茶云〕詩中有留客。茶瓜。〔酒云〕你這茶。洗渣得詩。腸澁苦。〔茶云〕你這酒。懊惱得醉眼昏花。〔酒云〕你這茶。喫多了。渾身冰冷。〔茶云〕你這酒。飲過了。兩腿酸麻。〔酒云〕你這茶。盧玉川稱道。有許多言。皆爲誑語。〔茶云〕你這酒。李翰林賦道有。

百千篇。總是虛誇。〔酒云〕你這茶。想陸羽茶經。訛謬。〔茶云〕你這酒。說劉伶酒頌。全差。〔酒云〕你這茶。調弄的箇陶學士。凍僵在書館。〔茶云〕你這酒。勾引的箇畢吏部。臥倒在隣家。〔酒云〕你這茶。全無一長可取。〔茶云〕你這酒。幾番失事。因他。〔茶云〕你酒有甚麼好處。〔酒云〕我說與你。

村里迂鼓。〔唱〕我這酒。都說道是杜康能造。不枉了伯倫稱道。若是聞着氣息。嘗着滋味。無人不好。有了我不寒不冷。無憂無悶。有說有笑。者麼你七碗吞。連甌灌。有甚麼標。茶。你把箇玉川子脂膘。渲了。



茶云我說與你。

前腔唱且休說鳳團佳製。端的是武夷爲最。喫一盞清香噴鼻。清涼入口。清風兩腋。我能消睡魔。能除煩渴。一團清氣。酒呢。遇着你的昏。逢着你的醉。撞着你的迷。酒。你那其間不是我誰來救你。

采云你這兩箇茶酒。爭到幾時。我說幾句。與你兩箇分解。你這酒。錦帳圍爐。泛紫霞。這茶。玉堂掃雪。煮春芽。這酒。三杯煖意。生毛骨。這茶。七碗清風入齒牙。寒夜客來茶當酒。炎天醉後酒憑茶。你兩箇一時有犯爭高下。到底終須是一家。茶酒下

### 扮賣鷺賣雞人上

鷺云我賣鷺。雞云我賣雞。鷺云這鷺是箇白白淨淨好行貨。雞云這雞是箇花花綠綠好東西。鷺云這鷺昂藏着長膊項。雞云這雞抖擻着錦毛衣。鷺云這鷺房相池中遊戲。雞云這雞宋宗窗下依棲。鷺云這鷺有二長。人人都見。雞云這雞具五德。箇箇皆知。鷺云我這鷺。下茶城全收了些功效。雞云我這雞。長安市討盡了些便宜。鷺云我這鷺。王右軍見道士籠來要換。雞云我這雞。杜工部將小奴縛賣爲題。鷺云我這鷺。不妨終日玩。雞云我這雞。



常是五更啼。（鶩云）我賣鶩。你可又來賣雞。在這裡  
攙行奪市。（雞云）你賣得。我也賣得。（鶩云）你這雞。把  
甚麼來比我的這鶩。

沽美酒

（鶩唱）

這鶩兒賺的肥。

（雞唱）

這雞兒儘一提。你這鶩

斤兩雖多不換雞。

（鶩唱）

我這鶩。渾身似水洗。供了些大

筵席。

（雞唱）

我這雞。每日把黃梁飽喂。

（末唱）

你兩般兒休論

高低。守着那貧漢。每多活得幾日。賣與那大人家。調  
和了五味。我這箇買的。你這箇賣的。講論一箇甚的。  
太古來將本求利。

（末云）我說與你兩箇人。爭論的都是閑話。不曾說

着你雞鶩的好處。雞有堪稱不解。鶩有故事誰知。  
鶩腦比隣古語。雞鳴茅店詩題。你這鶩鷓鴣難容  
作伴。你這雞鳳凰不與爭食。我且要看燈明月皎。  
你兩箇百忙裏講甚麼雞瘦鶩肥。（雞鶩並下）

外扮賣花火淨扮賣糖人上

紅繡鞋

（外唱）

我賣的是花兒炮仗。

（淨唱）

我賣的是香爨蔴

糖。

（外唱）

你這賣糖的與我花火那一箇忙。我賣花火連

朝快。

（淨唱）

我賣糖的整年忙。（外唱）我放一箇震天雷着處

響。

（淨云）你賣甚麼花火。（外云）你賣甚麼蔴糖。（外云）你



敢問我馳名花火。(淨)你敢問我出色蔗糖。我這糖是波羅蜜悟來的心訣。(外)我這花火是蚩尤神留下的奇方。(淨)我這糖五味裡歸伏的甜軟。(外)云我這花火一竅中匹配陰陽。(淨)我這糖美甘甘醉時解渴。(外)我這花火明明朗朗夜半生光。我這花火內稱吾爲首。(淨)我這蔗糖中數我爲王。(外)云我這花火無形中變化出枝枝葉葉。(淨)我這蔗糖有味裡搓弄的短短長長。(外)我這花火埋藏着噴烟吐霧。(淨)我這蔗糖包羅着切玉搏香。(外)云我這蔗糖擔定着許多斤兩。(淨)云我這花

火能有幾日風光。(外)云我這糖常則是挑籬握担。

(淨)云我這花火不道的滿籠成廂。(外)云我這糖連

累了些芝蔴豆末。(淨)云我這花火相識了些硝炭

硫黃。你放一箇響炮仗也則是必必剝剝。(外)云你

敲一箇破鑼兒也則是丁丁當當。(淨)云我這賣花

火的引了些頑童浪女。(外)云我這賣糖的串了些

窄巷營房。你這糖到了那六月天堪堪罷市。(淨)云

你這花火過了正月半便是無常。(外)云我這糖平

白的招人打罵。(淨)云我這花火八場家惹起灾殃。

(外)云我這花火千里外勞人遠寄。那百家姓有一



句是苗鳳花方。淨云我這糖滿担子有錢不賣。那  
千字文有一句是存以甘棠。外云你這賣糖的。終  
不到一城中攬絕了主顧。淨云你這賣花火的。終  
不成滿街裡占斷了獨行。外云你賣糖。怎麼不與  
我計較。淨云你賣花火。怎麼不與我商量。外云你  
閑管事。我又不曾折了你資本。淨云你倚算帳。我  
又不曾領了你錢糧。外云你消我舌尖上幾句話。  
弄的你妻逃夫散。淨云你用我狀兒裡十箇字弄  
的你家敗人亡。外云你見我不動手。脚先踉蹌。淨  
云你見我未交拳。心早慌獐。外云我在這六街上。

務教你陪禮。淨云我在這人叢中。定要你伏路。淨  
云你這花火出落着無人問買。做不的箇懷寶迷  
邦。外云你這糖縱然一時間賣了。也做不得衣錦  
還鄉。末云你兩箇一般生意。讓些兒便待何妨。你  
兩箇不弱如爭功關口。到勝似鬪智孫龐。這搭兒  
是看燈都市。又不是聽訟的公堂。不爭你尋活覓  
死。穢污了錦繡排場。忍了氣大家歸去。你那不平  
事。等我慢慢叅詳。外淨並下

淨扮雜賣貨郎上

貨郎兒淨唱貨賣的有諸般的行貨。一件件非同小可。



千斤擔子可是我擔着的。羞蹀躞賣些零碎。必留不刺說上忽多。有退光漆的家火。壘絲嵌的生活。戲金螺鈿粉香盒。又珠花翠朵。遶街裏踏的腳心破。八場家忍着我這腹中餓。逐朝家走的我腿兒拖。不是我奪市攙行尋鬧炒。我家裏少米無柴可也沒奈何。

我是箇慣賣貨郎行院。專走府州衛縣。不獨腿健脚勤。又能口巧舌辯。天涯南北東西。我在中間厮串。若問頭上戴的。金銀珠花頭面。若問身上穿的。錦繡綾羅綉絹。若問手上帶的。八寶連珠鐲釧。若問脚下登的。靴子皂皮金線。婦人臉上貼的。點翠

玲瓏花鈿。男子腰間繫的。五色渾絨絲縷。秀才文房用度。上等紙墨筆硯。武人軍旅衣裝。盔甲刀鎗。弓箭。若問生藥諸般。先看牛黃冰片。若問飲饌喫食。酥蜜糖油粉麵。三百六十多行。不少一物一件。有的就在眼前。沒的說箇活現。十分止說一分。買的都耍聽見。便有那一千箇蒯徹蘇秦。把我這擔子上不能數遍。方纔遠遠聽着爭鬧。來到這里不見一箇做買賣的人。

（外扮賣花人上）

我賣花（淨云）你賣甚麼花（外云）我不賣真花賣假



花淨云你賣花。不要誇。我這擔子上面也有他。外云你的花。不及我的花。淨云我的不是真花。外云你的不是真花。不如我的假花。

清江引外唱你真花兒不如這工製的巧。就裏誰知道。雖然桃李花。春去先零落。到不如這假花兒長不老。淨唱假花兒不如真的好。有一日春來到。情知不是真。枉惹蜂蝶笑。那其間被人拋棄了。

外下

扮賣脂粉人上

前腔 臉兒要搽唇要抹。脂粉濃調和。成交本利輕。

粧點功勞大。一城裏美人兒都愛我。

前腔淨唱日高時美人初睡起。亂挽烏雲髻。人兒簾裡邊。簾兒垂着地。喚梅香把錢兒交付你。

賣脂粉下

扮賣柴人上

我賣柴。淨云你賣柴。用人擡。不如我簿籃底下拿出來。你那賣柴的有甚麼好處。柴云我說與你賣柴的好處。

金字經柴唱這家裏春糯酒。那家裏閉瓮開。賣了肩頭上一擔柴。一擔柴。酒錢兒懷裏揣。醉了時妨何碍。大



家歸去來

(淨云)你的柴不好。

前腔 這壁叫賣柴漢。那壁叫挑擔人。肩上常擔着千百斤。千百斤。破錢兒無一文。傷人問。古來幾箇朱買臣。

(賣柴下)

**(扮賣炭人上)**

我賣炭。(淨云)你賣炭。不好看。誰知我也賣的慣。你的炭不好。(炭云)我說與你那好處。

前腔 富的每見我喜。貧的每見我親。寒變陽和冷

變溫。冷變溫。貧的也不受貧。一爐火。滿家兒都是春。

(淨云)我說你那不好處。

前腔 起初兒都是火。到頭來都是灰。你冷處不着熱處煨。熱處煨。炎炎的肯讓誰。銷金帳。古來幾箇党太尉。

(賣炭下)

**(扮賣茶酒人上)**

鴈兒落(茶唱)茶會學士烹。(酒唱)酒有賢人頌。(茶)茶傾碧玉

甌。(酒)酒貯黃金甕。

得勝令(茶酒合唱)往常時茶酒不相容。今日箇茶酒兩和



同酒愛茶香細。茶欣酒味濃。兩腋兒清風。誰道茶無用。滿臉兒春紅。方知酒有功。

折桂令

淨唱

便休題細茗春醪。說甚麼玉液瓊漿。道甚

麼嫩葉柔條。陸羽茶經。劉伶酒頌。枉自徒勞。又不是臨邛市誇不的酒好。又不是白玉堂說不的你茶高。捱過今宵。等待明朝。看燈人徹夜匆忙。茶和酒且索開交。

茶酒下

扮賣雞鶩人上

端正好

雞鶩唱

鶩兒肥。雞兒壯。雞兒腴。鶩又非常。似這

般不揪不採。沿門創也。則是命運上不發旺。

滾繡球

淨唱

你賣鶩的少伎倆。賣雞的欠主張。這雞兒

誰問你促行人。曉窗三唱。你這鶩又不是宴蘭亭曲水。流觴你兩箇見世情。不忖量。見如今雞又多。鶩又廣。賞翫人填街塞巷。雜賣的作陣成行。不是你腥燥買賣雞鶩市。可是燈月交輝。錦繡鄉。賣弄你停場也。那經商。

雞鶩下淨這雜行人都喫我問倒了回去。我如今

唱一箇歡喜的曲兒也要撒了罷。

醉太平 這雜行人都對倒。我如今一擔兒挑着。前



街後巷走一遭聽遊人鬧炒。來的去的把我來便都不叫好的。反的都不要我挑着沉的重。的壓的我怎生熬到不如丟了他到好。

淨欲下末上欄云。你那里去。恰纔箇喧喧炒炒。一時間冷冷清清。喜的是人烟輳集。愛的是燈月分明。舉頭來團團明月。信步去簇簇花燈。這壁廂香車翠轂。那壁廂寶馬珠纓。滴溜溜紅旋翠舞。鬧垓垓柳送花迎。見如今萬民歡樂。見如今五穀豐登。三五夜元宵賞翫。數百行各自施呈。你來長街上攙行奪市。衆人前逞會誇能。賣花的你說他花兒

不好。賣粉的又道紅粉無情。賣柴炭的你說柴低炭賤。賣茶酒的你說他酒冷茶清。看着那雞鶩兩件。便道他下等營生。止有那賣糖與花火。他兩箇自己相爭。似這般損人利己。則許你獨走獨行。你道是攬災禍無甚麼膂力。你道是惡少年不大知名。你妨礙了遊人興趣。你攪亂了簫鼓音聲。那擔子上知他有幾多行貨。信着你巧說無憑說的好。且教寬恕。說不好打破你天靈。

後庭花淨唱我問你那賞元宵誰第一。似俺這等貨郎兒能有幾擔子上有多少稀奇貨。你將我一樁樁盤



門起說與你衆相識。你每也休誇伶俐。那賣花的無好枝。粉欠白脂欠紫。賣柴炭的行次低。賣雞鶩的不量已。他挑到明壓到黑。鬧處鑽熱處擠。爭如我走一回坐一回。唱一回耍一回。人問着佯不知。人叫着全不理。人叫着全不理。

青歌兒 我可也非同非同容易。賣的來委實委實標致。一物一行說與您知。擔子挑的。件件周備。若問着頭上戴的。金銀珠翠。身上穿的。綾羅段匹。腰間繫的。鈎環提絲。腳上穿的。靴襪護膝。床上鋪的。煖褥涼席。錦帳羅幃。壁上掛的。青山綠水。翠柳紅梅。爐內燒

的。沉腦安息。口裏喫的。美酒甜食。猪肚羊蹄。器用之類。玉笋瓊卮。周鼎商彝。君子不器。雙陸圍碁。使的用的。好的。反的。破的。落的。三百六十。略數些兒。赤緊的。買的要便宜。賣的又不依。我說我喫虧。他道他不值。則管裡遲疑。我到把他央及。他將我拳打脚踢。後搶前推。我急走如飛。後面來追。弄的我上氣接不着。下氣後蹄趕不上。前蹄。眼裡流着眼淚。鼻子裡流着鼻涕。十分傷悲。十分孤恓。似這等李罵張欺。意懶心墮。當不過左邊揪。右邊扯。這壁廂拐了錢。那壁廂賒了貨。躲了那哈朋哈數。吉哩骨碌。必丟不答。零零碎碎。



萬萬千千。算不的。記不的。便討不的。（末云）你賣了幾日。（淨唱）哥呢。我剛賣頭一日。

瑞靄祥雲麗絳霄 貝宮珠闕振金鰲

綺羅影射春燈爛 簫鼓聲催海月高

萬里銀花連火樹 九重春色醉仙桃

詞臣欲賦昇平頌 剌買中山紫兔毫

精訂太平樂事

畢

精訂太平樂事



